

عموميہ سنہ تماس عظیمی درکار اولان وظیفہ مهمہ وکالتی در عہدہ ایلکہ جرأت
ایتمامی درلر .

سوخته زاده احمد

تثبت شخصی

ع-کركك

صباح الدين بك افنديك سياست داخله مزه متعلق پروغراملرنده برده
تثبت شخصی بولنديغنی ايلك اوکجه غزته لرده کوردك، صوکرده کندی لسانلرندن
(واریه ته) ده ویردکری قونفرانده ایشندک .

شو «تثبت شخصی» ترکیبک موصوفی اولان و «تثبت» دیه ترجمه اولنان
کله نك اصل فرانسزجه سنی و قتیله تورکجه مزه «بولوش» دیه آد ویرمکی توصیه
ایتمش ایدم ترکیه مزده کی «بولوش» سوزی معلومدرکه احباب حال و مصلحت کوره
اک مناسب بولنان بر فعل و حرکتی اجرا ایلمکدر .

بولوش دیلم، تثبیت دیلم، هر نه دیه جک ایسه ک دیلم، شو کله نك دلالت
ایلدکری مفهومه اوینون اولان خصیصه ذاتیه هر انسانده حتی هر حیوانده
بیله موجوددر . فقط هر کسده اولدینی کی او کسرك برر بیوک طوبی اولان
ملترده ده بونک درجه سی متفاوتدر شو خصلت آریانی اقوام آراسنده اک زیاده
آنکلو ساقصون نسلنده انبساط ایلمشدر . بوکاسبب ایسه موقعلرینک، بعض شمال
مملکتلرینک یاشامق ایچون کوسزدیکی کوجلکدر . اورالرده یاشایش هندستانده
جاواده دکل حتی بزم آنا تولیده بیله اولدینی قدر قولای دکدر . اورالرده انسان
اتمکی طاشدن چیقارمغده مجبور اولقله قالمیه رق انکین دکزلرک دیننده، اوقید
نوسلرک اوتنه سنده اتمک آرامغه چالشمازسه اولمکه محکومدر . «مائیونی آتسه
آتمشدر، یلوروسنی آیانغی آلتیه آتش» دیرلر . ایشته اورالرده احتیاج آتشی ایچنده

یانیلان پرلرده، آنار، بابار اولاد لرینی و حتی اونلرک خاطر لری ایچون او بارق صاحبی اولمق اوزره میدانه آتیلان دامادلری بسلمک زحمتنه قاتلانمه مازلر. اورده طبق طبق قوشلرده اولدینی کبی، یاوریلر قانادلانور قانادلانماز یووادن اوچوریلور رزقی آرمغه مجبور طوتیلور. ایشته شو احتیاج او بولوش مزیتنی او قوملرده یک زیاده انبساطه کتیر مشدر.

بز ترکر ایسه کرک او یغورلق یعنی مدنیلک و کرکسه قرغزلق، یعنی بدویلک دورلر مزده بیله بر باشبوغک، بر رئیسک قومانداسنده یاشامق، اونک اداره سنده چاپوله چیقماق صورتنده تربیه کورمش (بازیارقال = بابائی) بر اداره یه آلمش، ملتیزک اساس تربیه سی بو اولدینی حالدده بشقه ملتیزک تابعیت ورعیتنده قالان آذربایجان و روسیه ترکرلری بزم کبی دولت مأموریتلر نده قولایجه یاشامه نک امکاتی بوله مدقلری ایچون عثمانلیلردن زیاده تشبث شخصی یه نائل اولمشلر خارج مملکتلرده بیله ایش آرامغه مجبور قالمشلردر.

نائل اولدیغمز حریت ده تشبث شخصی سایه سنده حصوله کلدی. باقیکر فصل اولدی: انکلیزلر، آلمانلر عسکری تعلیمنامه لر نده نفرلر ایچون تشبث شخصی نی اساس اتخاذ ایتمشلردر. بونک الک کوزه چارپان محل تطبیقی انکلیزلرله بوئرلر آراسنده وقوعه کلن او قانلی ترانسوال سفری اولدی صوکره بونی ژاپونلرده اقصای شرق سفر نده کوستردیلر اوروپا ترقیاتی ولو نظری اولسون کتابلرده تعقیب ایدن عثمانلی ضابطانی ده موفقیته نائل اوله میان دردنجی و مظفریته ختامه ایرن اوچنچی اردوده تشبثات شخصی لرینه کوکشمشلردی.

عثمانلیلرک بدایتلرنده تشبث شخصی یه چوچه مثاللر وارددر. صوکره لری بالخاصه آناطولیده مأمورلر مرکز، اعیان و اشرف دینلن او الی بر اتلی اشقیا رئیس مرکز ظلمی، استبدادی ایله اهلینک بتون قولی، قانادی قیرلمش، قلدانه حق حالی قالمشدر. هله سپاهیلرکک الفاسندن صوکره آت بسلمک آت اوستنده درلو هنرلر کوسترمک، جرید قالقان اوینامق، سورکون اولری تربیت ایتک کبی

ملی سپورلر من بوس بتون اونودلدی، آناتولی یانغین برینه، قبرستان ویزانه لکنه دوندی .

حکومت حاضرله خلقه براز جان ویره جک تدبیرلرده بولملی . بوکا ایسه بز، کندی تشبثات شخصیه مزله یارديم ایتلملی بز . عسکرلک بر نوع سپور و ادمان اولدیفی، تربیه منفردله ایسه تشبث شخصی بی انبساطه کتیرمکه واسطه بولندیغی ایچون مملکته اولاد وطنه چوق فائده ویردیکی کبی بوندن صوکره کنج و متشبث ضابطلر من الندن تربیه کوره جک عسکر اوغللر من مملکتلرینه دهها کوزل تربیه آرماغانلری کوتوره جکلر در . حریبه نظارت جلیله سی قانوننامه لر مزده موجود اولان آلا ی مکتبلر نی یکیدن احیا ایدر، افراده برده تربیه بدنیله ایله برابر تربیه فکریه و علمیه ویردیرمکه همت بیورورسه مملکت احیا اولنور . بزده بر طرفدن هر درلو سپورلری تدقیق و تطبیق ایتلملی بز . اوزون بویلی سورکون آولری ، سیاحتلر فلانلر ترتیب ایللملی بز ایشته سلیم سری بر سپور مکتبی آچبور بر چیچک ایله یاز گلز، دهها استانبولده بر قاج دانه ایستر ولایتلرک قضالرک هپسندله لازمدر . بونی ده بز تشویق ایتلملی بز .

نجیب عاصم

طرز جدید حکومتله وظائف

زمانمز رجالی حکومت و ماهیتله وظیفه سی حقنده بک غریب بک مشوش بر فکر پیدا ایتش کبی کورینیورلر . بوده ، حکومتله اطراددن عاری و اکثریا متناقص بر طاقم وظائف تودیع ایتلملیله نابت اولیور . بشریتک استقبالنه بودرجه شدت تعلق اولان بوبیخت حقنده محاکمه یوریدیلیور ایکن فکرلر سیسلر ایچنده طولاشوب طور یور .

کرك واضع قانونلر و كرك مجهدین قلم . حریت ، ترقی ، تشبث شخصی ، وظیفه اجتماعیه ، اجرا آت حکومت و مجبوریته قانونیه کلماتی کلیشی کوزل